

Guangjisi Minzcu Bau

ganhhau: CN45-0036 B.2018 Nd.8 Ng.29 liggaeuq fouhswt nienz ndwencaet cibgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3339期

Guengjsae Bouh Nduj Heiqgo Minzcu 《Sam Nyied Sam》Youq Laizbinh Yienj

广西首部民族歌剧《三月三》亮相来宾

Ndwen 8 ngoenz 23, bouh nduj heiqgo minzcu 《Sam Nyied Sam》 youz gij ngaenzgoek yisuz guekgya laebhangh bangcienz, Aen Heiqyienh Gofoux Cizdonz Yenji Guengjsae cauhguh yienj haenx youq Laizbinh Daihheiqyienh yienjok, heiqgo minzcu gig miz fungcingz Bouxcuengh ndaej daengz siminz dangdieg angq-coux.

Ciuq cam rox, dangguh gij cingbinj vwnzyi angqhoh Swcigh laebbaenz 60 hopbi ndawde loh he, heiqgo minzcu 《Sam Nyied Sam》

dwg gij heiqmoeg doiok youqgaenj Aen Cizdonz Yenji Guengjsae, riengzdwk yienj baez nduj 《Lohsei Gwnz Haij》《Buhbwnroeg》《Cangcang Vaiq Buet》daengj gij ngaenzgoek yisuz guekgya daizheiq yisuz cauhguh bangcienz hanghmoeg neix. Bouh heiq neix lwnhgangj gij gojgaeq fatseng youq Mbanjdungzguj caeuq Mbanjnazlenz youq laj dinbya Byahajsaek Guengjsae haenx, song aen mbanj gajifang gaxgonq aenvih ciengj goekraemx giet caeuz. Haujlai bi gvaqbae le, song boux sau mbaug

vunz ndaw heiq “fwenvuengz” moq Yihlanz caeuq Mungsanh youq hawfwen “sam nyied sam” doxgyaez. Heiqgo lwnhgangj gij gojgaeq songde baenzlawz cungbyoengq lanzlaengz, vaqgej gij caeuz song mbanj, ginggvaq muznanh doxndiep doxgyaez. Bouh heiq neix gaxgonq itcig youq ndaw gih gak digizi cunzyienj, ngoenz 23 baez nduj daengz Laizbinh yienj, yienj ciengz he mbouj aeu cienz.

(Ouh Cwngzsinh Mungz Gyahho)

Lungzswng: Mbanjcuengh Gvaq “Ciet Lwgmanh”

龙胜: 壮寨欢度火红“辣椒节”



Ndwen 8 ngoenz 24, Gveilinz Si Lungzswng Gak Cuz Swciyen Lungzci Cin Majhaij Cunh banh “ciet lwgmanh” bi gvaq baez haenx. Beixnuengx Bouxcuengh dangdieg ndang daenj buhvaq moqsag gyaueget doxcomz giz ndeu, haiguh minzcu cunzbyaij, fwngzmbaeu mbaet lwgmanh, doxdax faeg lwgmanh, “dak cou” daegsaek hozdung, angqhoh fungsou. Ciuq cam rox, “lwgmanh Lungzci” aeu Majhaij Cunh guh daiqbiuj haenx aen hung iq yinz, saek ronghsien, manh hom habngamj, ndaej daengz gyoengq bouxcawx maij, youq bi 2013 ndaej nyinhdingh baenz gij doxgaiq geiqhauh deihleix doxgaiq reihnaz guekgya. Ndaw doz dwg geij boux mehmwbk Bouxcuengh cingq dak lwgmanh.

(Banh Cisiengz/潘志祥)

Dunghlanz Bi 2018 Buek Daeuz Hanghmoeg Ngaenz- cienz Hwngfat Minzcu Vunznoix Bued Roengz Yungh

东兰 2018 年首批少数民族发展资金项目投入使用

Mboengqneix, aen gunghcwngz dajndongj diuz roenmbanj Dunghlanz Yen Sanhlung Yauzcuz Yangh Sinh-dung Cunh daengz Mbanjlungsan guhsat doenggvaq niemhsou caemh-caiq ndaej yungh, daengz neix, aen yienh neix gij hanghmoeg ngaenzcienz hwngfat minzcu vunznoix buek daeuz gaenq miz 8 diuz leih daengz gyoengq vunzlai minzcu vunznoix. Ciuq cam rox, bi 2018 byonghbigonq Dunghlanz Yen Minzcunghgiz ceng'aeu daengz gaep baihgwnz gij ngaenzcienz hanghmoeg 473 fanh maenz, hengzguh hwnjguh roen doeng mbanjungzhoj 16 diuz, daengz ndwen 8 ngoenz 22, miz gij gunghcwngz dajndongj roenmbanj Sanhlung Yauzcuz Yangh Sinh-dung Cunh daengz Mbanjlungsan daengj 8 diuz gaenq doenggvaq

niemhsou caemhcaiq ndaej yungh, miz gij gunghcwngz roenmbanj Sanhlung Yauzcuz Yangh Sinh-dung Cunh Mbanjgwhbangh daengj 5 diuz roen daengj guhsat caj niemhsou, 3 diuz wng yawhsuenq byai ndwen ndaej guhsat. Doenghgij hanghmoeg neix swnhleih hengzguh hawj gij vanzging guhhong ndwenngoenz vunzlai ndaej gajindei yienhda, gungh gajigez 350 ranz 1536 boux ok rog hoj vwndiz, ndawde ranzungzhoj 141 ranz 614 boux.

Dunghlanz Yen Minzcunghgiz itcig dawz gij hanghmoeg ngaenzcienz hwngfat minzcu vunznoix dangguh gij neiyungz youqgaenj hong minzcu caeuq gij fwngzgaem youqgaenj hong vut gungz gunggeng, vih cungfaen fatok gij cozyung gij ngaenzcienz

hwngfat minzcu vunznoix, aen giz neix giethab “aen cang hanghmoeg banggungz cibsam haj” giekdaej sezsih hwnjguh givveh, dawz ngaenzcienz cienzboh yungh daengz hwnjguh roen doeng mbanjungzhoj bae. Doengzseiz, vih gveihfan guenjeleix gij hanghmoeg ngaenzcienz hwngfat minzcu vunznoix, minzcunghgiz aen yienh neix ciuq gaep baihgwnz hanghmoeg guenjeleix banhfap, yiemzgek ciuq bauq, saemjbae, ciubiu douzbiu, ciemdingh guhhong habdoengz, gamleix, guhsat niemhsou, hanghmoeg saemjgeiq gietsuenq daengj ginggvaq hengzguh hanghmoeg, haenqrengz bangdoi hong vut gungz gunggeng(lajmbanj saenqhwngh) Dunghlanz Yen.

(Veiz Swng'yang)

SIUSIK DINJ

简讯

● Bi 2018 doxdaeuj, Sanhgyangh Duncuz Swciyen comz-rengz hwngfat gij canjnieb “doenghnaz iq”, doenggvaq riuzcienj diegnamh, doengjit ndaem doengjit guenj, doengjit gaicawx daengj banhfap, sonyinx vunzlai ndaem duhseiq, lwgmanh raetmoegngaex daengj doenghgo, gung yienzliuh hawj gij canjnieb faenjsae Liujcouh, hawj mehmbwk Mbanjdung youq “bakdou ranz” couhnieb, saedyienh vut gungz, goq ranz “song mbouj nguh”.

(Gungh Bujgangh)

● Denzdungh Yen dawz gij canjnieb youzcax dangguh gij fwngzgaem youqgaenj banggungz canjnieb, yungh gij hwngfat vunqsik “giyez + gihdi + ranzungzhoj”, cingjhab gij ngaenzcienz caizcwng nangqdaengz nungzyez, gyalai ligdoh bangfuz cwngcwz, laebguh dieg guhyienh doigvangq ndaem faen ndei caeuq dieg guhyienh gaj ndoeng caz daemq, sonyinx caeuq daiqdoengh ranzungzhoj camgya, hawj gyoengqde ndaej vut gungz baenz miz.

(Dangh Sezyingz)

● Geij bi neix daeuj, Nanzdanh Yen Yezlij Cin cungdenj dajcauh guh mbawien cungj canjnieb daegsaek neix, doengzseiz aeu de dangguh gij canjnieb youqgaenj cinjcing banggungz daeuj guh. Aen cin neix gibseiz cujciuz bouxgisuz ien bae ranz dajndaem ien, bangcoh caeuq sonyinx boux dajndaem guh ndei gauj ien, faengaep, baujguenj, soucawx daengj gak hothoh guh hong. Ciuq cam rox, bineix aen cin neix gungh dajndaem ien 1700 lai moux, yawhsuenq sou ndaej daengz 8 fanh lai rap, souhaeuj daengz 200 fanh maenz.

(Huz Gyahyenz)

● Seizneix, Ginhsiu Yauzcuz Swciyen baengh giindei swyenz vanzging, haenqrengz hwngfat youq laj ndoengfaex ndaem ywdoj, mboujduenh diuzcingj mizgven bangfuz cwngcwz, bineix gveihmoz ndaem ywdoj gyalai riengjvaiq. Ciuq gyoepsuenq, daengz ndwen 8, daengx yienh ndaem ywdoj mienhcik 1766 gunghgingj, beij bi'gvaq daengx bi demmaj 431.93%.

(Cinz Mungjhaj)